

Матфеин 21 бөлг.

1. Иерусалим тал өөрдэд, Елеонск уулын өөр бээсн Виффагийд ирхлэ, Иисус хойр сурьульчан илгэьэд теднд келв:
2. «Тана өмн бээсн селэнүр одтн. Тадн дарунь тенд баахн ээлжыг уята экиннь өөр зогсчахиг олхт. Сулдхад тедниг Нанур авч иртн.
3. Кемр кен чигн таднд ю болв чигн келхлэ, Деед Эзнд тедн кергтэ гиж хэрү өгтн. Тегэд дарунь тедниг тэвх.»
4. Ээлдэчин келсн үгэр эн йовдл болсмн. Ээлдэч болхла иигж келсмн.
5. « Сиона күүкнд келтн: «Чини номын Хан чамтал баахн ээлжгн деер болн терүнэ ярм зүүсн эк деер суусн аашна.»
6. Сурьульчнр йовад, Иисусин келсн заавриг күцэв.
- 7 Тедн баахн ээлжыг эктэьинь көтлэд авч ирэд, деернь эврэннь хувцан делгв, Иисус деернь суув.
8. Иисусин йовсн хаальарнь кесг эмтн өмсж йовсн хувцан делгцхэв, талдан улс модын бүчрмүд таслад, хаальарнь делгэд йовцхав.
9. Иисусин өмн йовсн болн Иисуста хамдан йовсн эмтн хээкрцхэв: «Давидин Көвүнд – Туурмж! Деед Эзнэ төлэ йовсн эдстэ болтха! Теңгрт бээсн Туурмжд-магтал!»
- 10 Тегэд Иисус деегшэн Иерусалимд ирхлэ, цуг бальсна эмтн үүмлдэд бээж сурцхав: «Эн кемб?»
11. Эмтн келв: «Энтн Иисус Галилеин Назаретын Ээлдэч!»
12. Иисус Бурхна сүмд орад, тендэс хулд кежэсн болн хулджах улсиг көөв. Тер мөңг сольдг улсин ширэс болн көглжрь хулджасн эмтнэ сандлмудыг көлврүлв.
13. Иисус теднд келв: «Иигж бичэтэ: Мини гер зальврльна гер гиж нерэдгх, зуг тадн болхла энүг деермчин кевтр кежт.»
14. Бурхна сүмд Терүн тал доьлң болн сохр эмтн өөрдхлэ, Иисус тедниг эдгэв.
15. Иисусин кесг кесн өвэрцс болн бичкдүд Бурхна сүмд –« Давидин Көвүнд магтал!» - гийэд хээкржэсинь соңссн Бурхна ах эрүн , дегтр бичдг улс ийр икэр

уурлцхав.

16. Терүнд келв: «Тедн ю келжэхнь Чи соңсжанч?» Иисус иим хэрү өгв: «Э-э! Тадн төрүц умшсн угавт; Бичкдүдин болн нилх күүкдин дууьар Чи Бийдэн магтал өргжэнэч!»

17. Эмтиг үлдэчкэд, Иисус бальснас ьарчкад, Вифаньд ирэд хонв.

18. Өрүнднь Иисус хэрү бальснур йовж йовхла геснь өлсж.

19. Хаалын өөр инжрин мод үзчкэд, Иисус энүнүр өөрдэд хэлэьэд, хамтхаснас үлү юм олж чадсн уга. Тегэд Тер моднд келв:«Дэкж эн моднд темсн бичэ урьтха.» Инжр модн дарунь хагсж одв.

20. Сурьульчнрнь энүг үзчкэд, алң болад келв: « Яьад инжр модн дарунь хагсж одв.»

21. Иисус келв: « Үнэр келжэнэв: кемр тадн маьдл угаьар иткхлэ, Мини инжрин моднла кесн юмнас үлү юм кеж чадхит. Кемр тадн эн уулд келхлэ:«Босад теңгсин уснд ун – тадна келсэр болх.

22. Тадн Бурхнд итклтэьэр зальврхла, ю сурнат — сурсан авхт.»

23. Тегэд Иисус өөдэн сүмд орад сурьжасн цагт, Терүнүр Бурхна ах эрүн улс болн медэтнр өөрдэд сурв: « Чи ямаран йосар энүг кежэнэч? Кен Чамд тиим йос өгсми?»

24. Иисус теднд хэрү өгв: «Танас Би бас сурвр сурхар бээнэв. Кемр тадн келхлэ Би бас таднд ямаран йосар энүг кежэхэн келнэв.

25. Иоанна кирслын альдас ирсмб? Теңгрэс эс гиж эмтнэс. Тедн хоорндан ухалад күүндцхэв: кемр бидн теңгрэс гиж келхлэ, Тер маднд келх: юңгад тадн терүнд итксн угат?

26. Эмтнэс гиьэд келхлэ, оln улсас ээжэнэвидн, юңгад гихлэ тедн Иоанниг ээлдэч гиж тоолжана. Тедн Иисуст хэрү өгв: меджэхшвидн.»

27. Тегэд Тер эднд келв: «Би бас таднд ямаран йосар кежэхэн келшгов.»

28. Тадн ю гиж санжанат? Нег күн хойр көвүтэ бээж. Ууьн көвүнүрн өөрдэд келв: «Көвүн мини. Эндр мини уста үзм тэрсн ьазрт көдл.»

29. Зуг тернь хэрү өгв: би йовшгов. Болв терүнэ хөөн гемэн сурад йовв.

30. Отхн көвүнүрн эцкнь ирэд, бас тиигж келхлэ отхнь иигж хэрү өгв: эцк мини, ода йовнав — гиж келэд йовсн уга.

31. Кен эн хойрас эцкин даальвр күцэв? -гиж сурхла, Терүнд келцхэж: «Ууьн көвүнь.» Үнэр келжэнэв, мөңг цуглулдг улс болн килнцтэ буру йовдл ьарьдг күүкд улс таднас түрүлэд, му уха санаһасн, килнцэсн цеврлгдэд Теңгрин Бурхна орн-нутгт орх.

32. Юңгад гихлэ Иоанн Бурхна чик хаальар ирв чигн тадн итксн угат. Мөңг цуглулдг улс болн килнцтэ буру йовдл ьарьдг күүкд улс терүнд итксмн. Тер юмиг үзв чигн, соңсв чигн тадн уха-санаһан сольсн угат, килнцэсн цеврлгдсн угат. Тадн Терүнд итксн угат.

33. Талдан цецн келвр соңстн. Нег дала ьазрта байн күн бээж. Тер эврәннь ьазртан уста үзм тэрж. Терүг хашалад, уста үзм шахдг нүк малтад, деернь харулчнр бээдг гер тосхж. Эн эзн уста үзм тэрсн ьазран тэрэчнрт өгэд, бийнь йовж одв.

34. Темс цуглулх цаг ирхлэ, тер эврәннь ялчнран уста үзмин тэрэчнр тал темсэн авхар илгэв.

35. Зуг тэрэчнр терүнэ ялчнриг бэрж авад: негинь - цокад,хойрдгчнь — эминь таслад, ьурвдгчинь чолуьар цоксмн.

36. Тиигхлэ эзн хойрдад ялчнран тэвнэ. Зуг хойрдад тэвсн ялчнрин тонь түрүңкэсн үлү бээж. Тэрэчнр тедниг бас тиигж тосна.

37. Сүүлднь, тер эврәннь көвүһэн илгэһэд келв: «Мини көвүнэс ичх, эмэх.»

38. Уста үзмин тэрэчнр көвүһнь үзчкэд келв: «Тер өнчэн авх көвүнь. Терүнэ эминь таслад, өнчинь эзлж авхмн.»

39. Тэрэчнр көвүһинь бэрж авад, уста үзмин ьазрин цань ьарьад, эминь таслчкв.

40 . Тегэд уста үзмин ьазрин эзн ирхлэрн тер тэрэчнриг яахмб?»

41. Терүнд келж: «Эн хар саната, му догшн йовдл ьарьсн тэрэчнриг догшн, ьашута цаажла харьулх. Эн уста үзмин ьазран цаглань темс хураж авад, эзндэн

өгдг тэрэчнрт өгх.»

42. Иисус теднд келв: «Тадн Бурхна бичгт төрүц умшсн угавт: тосхачнрин ьолсн чолун герин өнцгин ьол чолун болв гиж Эн Бурхнас ирсн өвөрц мана нүднд үзүлгджэнэ?»

43. Тиим учрар таднд келжэнэв: « Теңгрин Бурхна орн-нутг таднас булаьад, талдан келн эмтнд өггдх, тедн цаглань темс авч ирх.

44. Эн чолун деер унсн күн цокгдх, күүнэ тольа деер эн чолун унхла, дарад алчкх – гиж Би таднд келжэнэв.»

45. Бурхна ах эрүн улс болн фарисеймуд Иисусин келсн цецн келврмүд соңсчкад, Иисус теднэ тускар келжэсинь дотран медэд авсмн.

46. Тегэд тедн Иисусиг бэрж авхар седж, зуг оln эмтнэс ээж. Юңгад гихлэ эмтн Иисусиг ээлдэч гиж тоолдг бээсмн.